

187
1138

瀛
史
百
編
完

蘭野曉書



蘭野曉書

明治
30 9 10
內交

蘭野曉書

瀛史百詠題詞

上下三千年。長短一百篇。語語驚人。句句
感神。入燕許門。攀李杜壇。筆力可挽萬鈞。
才氣將凌青雲。莫爲遊戲觀。須做傳贊看。
茲題數言。以代序文。

祖宗以武顯。父祖以文鳴。欽君襲厥後。志業期大成。
學問何該博。千古胸中明。文章何宏麗。咀華又含英。
百篇詠瀛史。長短筆縱橫。風霜挾三長。論贊自衡平。
思緒綵雲騫。詞鋒銀濤驚。昔賢難擅美。時俊孰能爭。

此是一小著。猶足振家聲。

甲辰三月

藍田股野琢

瀛史百詠序

聖經之訓誡。不若史傳之勸懲。史傳之勸懲。不若詩賦之感興。蓋聖經深奧。難入庸耳。以爲陳言套語。措而不顧。史傳寫其人。叙其事。如目睹而身接。善惡報應必至。誰不勸而懲焉。至詩賦。則咨嗟詠歎以發之。

長短抑揚以誦之。使人不覺手舞足蹈。誰不感而興焉。況於詠史兼備史傳詩賦者乎。南紀菊池晚香。著瀛史百詠。問序於余。余閱之。自神代至今世。神聖英豪文士才媛。凡百事迹。隨感隨詠。出以樂府體。短節勁音。悠揚如褒。激越如刺。悽婉如怨。諷詠吟誦之間。使人感興勸懲。不能自己。漢魏姑置之。將摩樂天西涯之壘。與山陽子玉。並鏢馳逐也。往時晚香祖考溪琴先生。詠秦皇有句曰。萬里蓬萊舟未達。君王已上輜輳車。一時傳誦。余猶幼童。善其音調。嚶嘒相和吟

誦。既而讀史傳審其事。更知漢武以下歷代帝王惑神仙之害。進讀聖經傳說。戒黷祀。仲尼不語怪力亂神。益信其旨深奧矣。嗚呼。是一首之詩耳。一神仙之事耳。猶能使余感興嚮學如此。況此編歷詠古今凡百事蹟。於感興青年嚮學之志。又勸懲世人之姦良。其益豈鮮少哉。是爲序。

明治癸卯秋

陪鶴老仙三島毅撰

瀛史百詠序

南紀海莊菊池翁。詩名高海內。余謂翁資性英豪。學識才幹。必有可見者。若詩其緒餘耳。而燕雁相違。竟不得叩其蘊。常以爲遺憾。頃其孫晚香來訪。余喜延之。敘寒暄外。先問翁之遺著存否。晚香曰存。問其部類。曰奏議建白上朝廷。及呈藩主者凡百篇。其他經史論說及雜著合八百卷。余拍案曰。翁果非一詩人也。既而晚香示自著瀛史百詠。索余評及序。其詩始于瑞穗國。終于詩星。其體做古人詠史樂府。而歷朝

時事人物治亂盛衰。博采該舉。引典確實。文字簡鍊。如精金琢玉。見一斑。亦足以知其學識才幹之全豹矣。嗚呼此祖而有此孫。可謂衣鉢不滅矣。余遇此孫。有接其祖之思。亦足以慰平素之遺憾矣。乃書所感於卷首。以爲序。

明治三十七年三月

南摩綱紀

瀛史百詠叙

或當面喝破。或奮臂疾呼。或寓規諷於隱微。或寄褒貶於幾微。時而轟雷掣電。震天撼地。時而長空一碧。皎月萬里。忽焉春風駘蕩。花舞鳥歌。忽焉青燐出沒。鬼氣襲人。是可以評吾菊池晚香所著瀛史百詠矣。晚香紀州人。南朝名將正觀公裔。而溪琴先生孫也。先生以氣節文章。著名天下。晚香夙受家學。又從同族三溪翁。修經史詩文。後遊慶應義塾。早稻田大學。外國語學校。攻法律經濟。兼及英德支那俗話。皆卒

其業。遂爲早稻田大學教授。說經講文。清韓生徒。亦從受教。歲閱其課文。至三萬六千餘篇。勤勉可知也。時來問詩文於余。余素惡近時詩家。多應酬唱和。少吐露胸臆。因作南朝詠史示之。晚香曰。僕亦有志於此。居數月。百詠之著成矣。蓋吾邦開闢殆且三千年。聖皇明主。賢宰智將。忠臣烈士。孝女貞婦。垂名竹帛。勒功金石者。不啻千百。而大奸巨猾。狡黠巧佞。嫉賢害能。素倫壞俗者。亦復不少。然世論未必無褒貶失當。毀譽誤實者也。晚香具超卓之識。揮奇峭之筆。抉

隱摘微。抵隙搏虛。擒縱予奪。變化不測。探英傑之心。奪奸兇之膽。古人之面目。恍現乎紙表矣。此篇一出。世之爲應酬俗套。咕咕自喜者。必知有所自警焉。使正觀公溪琴先生讀之。將拍掌呼快也。乃爲之序。

明治三十六年十一月

東京 依田百川撰時年七十一

瀛史百詠引

南紀之地。江山秀麗。多生偉人焉。祇園南海。曾以一夜百首顯。今也菊池晚香。著瀛史百詠。欲以追其蹤。木下順庵稱南海云。卮言甜似蜜。藻思湧如雲。余將移此以贈晚香也。

明治三十六年十一月 省軒龜谷行識

瀛史百詠序

廣瀨旭窓有句云。自恃排纂誇詠史。字要湊合流詼調。此作者出於偶然耶。抑有所指摘耶。蓋恃排纂似賴山陽。要湊合似野呂松廬。流詼調似中島子玉。子玉纖巧柔弱。爲女郎詞。松廬字句冗漫。多雷同。不足以爲法度。獨山陽則不然。史學之邃。詩律之細。格調之奇。殆逼真李西涯。尤展成。尙且不免恃排纂之誹。詠史之難。可以知矣。昔白香山作新樂府。輒近王新城。有詠史小樂府。音韻優揚。命意寬厚。而暗藏議論。

規世諷時。得漢魏遺意。非淺薄詩人摸倣刻畫所能企及也。南紀菊池。仲幹博洽多識。尤好詩。頃擬漢魏樂府。著瀛史百詠一卷。上自瑞穗國天門。下以至近世英雄豪傑。奇才異能之士。網羅靡遺。寓勸誠於勁韻。含風刺乎短節。音韻優揚。離奇突兀。欲駕松廬子玉而攀香山新城。何其才之偉也。夫我邦天地精靈氣所鍾。忠臣孝子偉人傑士。不爲不多。而其事蹟不甚傳于海外者。由詠史之便於吟誦者鮮耳。今也西洋貿易歲昌。日清交通日密。此是等人。因其詠史。以

博名海外。不亦文明餘澤乎。仲幹齡未滿知命。已有百詠。若更躋香山新城之壽。則未知其累幾百首矣。余少壯不自揣。嘗有此志。而才劣學陋。氣不能充其志。今者年垂七十。萎荅自甘。百事無爲。豈能騰頰舌以論古今詠史之得失哉。然平素讀香山新城李西涯及山陽樂府。愛其短節遒勁而暗藏議論。竊有鑒其世焉。詠史譬之美人。衛后之鬢髮。飛燕之輕態。人偏其所好。則漢魏之蒼莽。六朝之富麗。唐宋元明之肥瘦濃淡。婀娜窈窕。吾誰之適從。其爲香山。爲新城。

爲李西涯尤展成亦各從其所好何必一家之拘拘。要在本事外不贅他辭。持論諷世已。旭窓又曰。方今大東仰文明較之古昔幾倍蓰。嗚呼是仲幹之所以壓倒松廬諸士也歟。

明治三十六年歲在癸卯十月上浣

恕軒學人信夫燦文則撰

瀛史百詠序

詩文之與山水相待也尙矣。畿甸山水以南紀爲最。南紀山水最推那智瀑與九里峽。士之生其間者。豈無詞華壯麗與之相稱者邪。其在前有若祇南海。其在後有若菊池溪琴野呂松廬等。皆善詩。常發揮峩洋。以雄視一代。而今以強壯之年。崛起南方者。爲溪琴翁孫晚香。余與晚香交有年。晚香才思英發。詞翰如流。頃著瀛史百詠。奇姿橫生。往々出新意。殆將與山水爭勝以接踵前人。嗚呼山水之振起人文如此。

而人文之闡揚山水亦如彼。謂之詩文與山水相待。不其然乎。抑晚香不獨善詩與文。兼通歐洲學術。且富春秋。他日載此才筆。歷游海外。拔古露羅土長峽之奇。攬內耶雅羅大瀑之勝。則其壯觀必將有壓前人而上焉者。吾企而望之。

明治三十六年龍集癸卯十月上浣

鳳洲土屋弘伯毅撰

瀛史百詠序

本朝詠史。自讓子成子玉兩家擅場。然子成粗樸處。仍與茶陵同病。其所謂理語近儉。未免尤而效之。子玉則力闢生面。淪入幽僻一路。竟近鐵崖之妖矣。菊池君晚香。南紀著姓。爲溪琴先生之後。所作瀛史百詠。依賴島二家體。而別出心裁。卓詭蒼辣。節短勢勁。純用本事。組織成文。而其議論足以定史案者。往往令人於語言文字外領之。非家學淵源有自。而能若是乎。王弇州稱西涯奇旨剗造。名語疊出。自是天地

間一種文字。田竹田稱山陽。腕靈舌妙。意暢神酣。有百億萬字亦不可包盡者。倘就其長處論之。晚香寔能奄有前賢。雖橫視一代可也。

甲辰暮春

槐南森大來識

瀛史百詠凡例

一詩家競技。或線香一炷。草百絕。或一夜賦百律。世稱神才。然唐賢有詩曰。兩句三年得。一吟雙淚流。知音如不賞。歸臥故山秋。余獨欽仰之。

一近時詩風。趁綺靡。無復感慨激越鼓舞士氣者。余竊歎之。

一此書大旨。在忠勇義烈。間插仙人美姬。亦萬綠點紅之意耳。

一漢詩朗吟之法。有二。一遵支那音。一據日本語。前

者或似古音。然仄聲大變。後者音訓相交。全不關平仄。然自有一種節奏。今賦漢詩。唯從古音。不通二法。則難於朗吟。余致三思焉。

一諸家評語。過獎不敢當。然評語發揮言外之意。可以充註釋。因揭之。

一本朝古來事蹟。可入詩者甚多。寥寥百篇。何能括之。余期隨感隨賦。上數千首。前程遼復。今纔發軔。明治三十九年秋 晚香散史菊池武貞識

瀛史百詠目錄

- 第一 瑞穗國 (天日本)
- 第二 天門 (天巖戶)
- 第三 金鷄 (神武天皇)
- 第四 一枝橘 (田道間守)
- 第五 白鳥 (日本武尊)
- 第六 舟師 (神功皇后)
- 第七 天孫 (廢阪忍熊二王)
- 第八 菟水 (稚郎子)

第九 功滿王 (贏秦後裔)

第十 名媛 (衣通姬)

第十一 珠纒 (大草香皇子)

第十二 蓬萊 (浦島子)

第十三 驪珠 (億計弘計二王)

第十四 蹴鞠 (天智天皇)

第十五 風從虎 (天武天皇)

第十六 老仙 (役小角)

第十七 國祚久 (和氣清麻呂)

第十八 都鳥 (在原業平)

第十九 御衣 (菅原道真)

第二十 伯牙 (蟬丸)

第二十一 毒蠅 (藤原秀鄉)

第二十二 木蘭 (清少納言)

第二十三 日本紀 (紫式部)

第二十四 赤符 (源賴義)

第二十五 龍笙 (足柄山)

第二十六 八甲 (源為義)

第廿七

養由基

(源為朝)

第廿八

青燄

(源義朝諸弟)

第廿九

奔電

(源義平)

第三十

老僧

(俊寬)

第三十一

壯漢

(文覺)

第三十二

嗟峨

(小督局)

第三十三

三姬

(祇王祇女佛姬)

第三十四

入道來

(平清盛)

第三十五

進退窮

(平重盛)

第三十六

遺吟

(平忠度)

第三十七

怪禽

(菖蒲姬)

第三十八

平等院

(源賴政)

第三十九

粟津

(源義仲巴女)

第四十

李將軍

(佐佐木秀義父子)

第四十一

狐埒

(梶原景季)

第四十二

金扇

(那須宗高)

第四十三

銀貓

(西行)

第四十四

鹿四足

(鶴越)

- 第四十五 逆櫓 (屋島)
- 第四十六 鶴岡 (靜女)
- 第四十七 白羽 (源賴朝)
- 第四十八 白旆 (源實朝)
- 第四十九 毒蟲 (大江廣元)
- 第五十 神風 (元寇)
- 第五十一 緇衣 (北條氏)
- 第五十二 妖僧 (鎌倉)
- 第五十三 長劍 (土岐頼員)

- 第五十四 錦旗 (村上義光)
- 第五十五 行宮 (笠置山)
- 第五十六 范蠡 (見島高德)
- 第五十七 龍馬 (藤原藤房)
- 第五十八 正統紀 (北畠親房)
- 第五十九 孝子 (日野阿新)
- 第六十 藤嶋 (新田義貞)
- 第六十一 美人 (勾當内侍)
- 第六十二 花隊 (新田義宗)

- 第六十三 湊川 (楠正成)
- 第六十四 四條畷 (楠正行)
- 第六十五 忠臣 (楠正儀)
- 第六十六 莫耶 (楠光正)
- 第六十七 龍種 (南朝二皇子)
- 第六十八 天誅 (足利尊氏)
- 第六十九 猿樂 (足利義教赤松滿祐)
- 第七十 茶甌 (銀閣寺)
- 第七十一 芙嶽 (樋峽)

- 第七十二 新月 (山中幸盛)
- 第七十三 孤城 (高松)
- 第七十四 桔梗 (本能寺)
- 第七十五 二龍 (明智光春)
- 第七十六 夜叉 (柴田勝家小谷局)
- 第七十七 金烏 (豊臣秀吉)
- 第七十八 葵花 (徳川信康)
- 第七十九 玉殿 (結城秀康)
- 第八十 快馬 (南龍公)

- 第八十一 白扇 (直江兼續)
- 第八十二 凶豎 (石田三成)
- 第八十三 寶兜 (木村重成)
- 第八十四 孤島 (浮田秀家)
- 第八十五 高材 (山田長政)
- 第八十六 龍笛 (太宰春臺)
- 第八十七 山鬼 (伊能忠敬)
- 第八十八 鬼燈 (平賀鳩溪)
- 第八十九 神人 (本居宣長)

- 第九十 勤王 (頼山陽)
- 第九十一 清流 (橋本左内)
- 第九十二 正氣 (吉田松陰)
- 第九十三 烈士 (近藤勇)
- 第九十四 城山 (西郷隆盛)
- 第九十五 雄心 (北白川親王)
- 第九十六 丹血 (陸奥宗光)
- 第九十七 旅順 (廣瀬中佐)
- 第九十八 日本海 (東郷大將)

第九十九

將星

(見玉大將)

第百

詩星

(家祖數世)

瀛史百詠

南紀

晚香菊池武貞仲幹氏著

第一

瑞穗國

(大日本)

破巨浪

凌長風

龍姿矯矯光熊熊

偉哉瑞穗

國豈啻武威隆

龍掉首尾走南北

天擎日月

臨西東

照見龍德大

天壤長無窮

第二

天門

(天巖戶)

天門匿景四宵冥

八百萬神愁眉青

香山拔樹

依田學海曰自地形
說起極典則
森槐南曰龍姿一句
光芒四射開卷令人
聳目
桂湖村曰龍掉天擎
二句可充神州頌
學海曰起手有力

信夫恕軒曰。太神微啓窟戶窺之狀。如觀槐南曰。熹微二句。古光吻鬱。直逼漢魏。

恕軒曰。起二句自然好對。

南摩羽峰曰。眼光如炬。讀古史者。不可無此眼。
恕軒曰。此公本職。
槐南曰。史眼燃犀。

懸玉鏡。神女起舞蘭佩馨。熹微一綫動閭闔。須臾復見赫曜靈。古史非誕有真理。天無二日鑑聖經。

第三 金鷄 (神武天皇)

金鷄光赫奕。神弓風鏑鳴。中州氛祲息。豐葦擁皇城。當日御詠萬人和。長鯨奔躍雀羅破。

第四 一枝橘 (田道間守)

一枝橘。廿年苦。遺臣拜陵淚如雨。帝意關遐裔。微菓何必求。上古史傳多殘缺。鑿空獨誇

博望侯。

第五 白鳥 (日本武尊)

熊穴勦老熊。賊魁嘆神武。神鷲掃烈燄。蒼龍手中舞。東東西戎盡景從。白鳥高飛儼威容。

第六 舟師 (神功皇后)

太古歸化天日槍。皇風萬里振殊方。新羅百濟是藩服。何物韓狗敢陸梁。攀髯一慟弓劍在。舟師三千渡遼海。太陽西出江逆流。咄哉貢茅何懈怠。我武維揚文教興。雲蒸龍變國光昇。

恕軒曰。起得好。
槐南曰。神鷲十字。異常精采。

學海曰。太陽一句。用當時韓人語。警甚。

今日北狄制馭術。壯圖夙藏神功陵。

第七 天孫 (廢阪忍熊二王)

赤豬噬白驥。氣宇自雄快。老將擊巨熊。蹤跡
趁詭怪。二王雖兇本天孫。誰呼龍種比毒虻。

第八 菟水 (稚郎子)

帷幄運籌誅逆臣。玉階拋書叱韓使。太子文武
已絕倫。何事逡巡避天位。阿兄德高我豈當。
先皇濫愛非我志。一死且斷衆庶疑。謙讓長見
瓜葛義。菟水沄沄繞荒陵。月明嗚咽老鮫淚。

學海曰。此事千古疑案。余得隱微。筆有陽秋。
湖村曰。通體頗能蒼勁。

槐南曰。哀調愴神。

羽峰曰。王帝公句句對照妙。

羽峰曰。有色有德。狀得盡。
恕軒曰。末段一節。掉起全節。
槐南曰。藤殿二句。見幽間貞靜之操。
湖村曰。回避作見羞。

第九 功滿王 (嬴秦後裔)

功滿王。融通王。舉族歸化勸蠶桑。漢錦吳綾
飾國光。仁德帝。雄略帝。銳意圖治獎技藝。
坡公秦公奉器幣。君不見楚人一炬燼咸京。嬴
秦遺孽在東瀛。

第十 名媛 (衣通姬)

湘妃回避宓妃妬。瓊膚生輝欺玉兔。不用靈泉
洗凝脂。不須金蓮學仙步。一笑百媚妾豈望。
節義鑄骨磐石固。詔使七降意何敦。強掃蛾眉

何如。見羞出于五代史。

學海曰。滅沒隱現。妙見意匠。

怨軒曰。起得映麗。

湖村曰。懷玉十字。理趣盎然。不陷卑淺。幾乎得樂府之遺意。

學海曰。有情有色。怨軒曰。宛轉流媚。有曉風楊柳之致。

朝至尊。藤殿秋風茅宮雨。蛛絲歌成幽淚吞。飛燕玉環豈其匹。光風霽月贊名媛。

第十一

珠縵

(大草香皇子)

一領珠縵禍何烈。皇子吞冤龍吐血。懷玉小人危。挾寶群魅窺。君不見先皇有遺制。風掃雨打宸宮敞。

第十二

蓬萊

(浦島子)

澄江島子年甫冠。蘆花風裏弄釣竿。老龜出海長毛綠。化爲少女顏如玉。一笑相携駕海風。

槐南曰。委婉入情。

學海曰。奔流二句。用弘計王歌。確不可移。槐南曰。爭此落筆。

學海曰。尺幅萬景。怨軒曰。文情相生。意

遊遍蓬萊山幾曲。白露黃葉賓鴈鳴。秋風忽動尊鱸情。少女殷勤進玉匣。再會有緣仙醪歃。歸來家鄉陵谷遷。翁媪恍惚說千年。啞然開匣紫雲吐。巖阿新棲白眉仙。

第十三

驪珠

(億計弘計二王)

空山月落夜雲黑。王氣一道逼宸極。國司徵租驚驪珠。君臣執手淚沾臆。君不見奔流激怒撼堤楊。枝葉不亂根柢長。

第十四

蹴鞠

(天智天皇)

到筆隨。
槐南曰。奇彩奕奕。
湖村曰。起手瑰奇。高
之昌谷。低之者不下
青藤。

羽峰曰。含蓄不露。妙
甚。

恕軒曰。一氣流轉。筆
無停機。

槐南曰。詞微意顯。詩
家南董。

湖村曰。造語間肖古
歌謠。

學海曰。模寫有趣。

御簾紅濺妖鹿血。老蝦墮火肝腦裂。世亂時窮
眞主生。旋乾轉坤偉功成。當時蹴鞠一場戲。
君臣遭遇風雲志。

第十五

風從虎

(天武天皇)

龍乘雲。虎遊野。安得聖斷安宗社。風從虎。
雲離龍。龍闕慘澹烟塵封。千秋誰揮董狐筆。
雲霧晦冥閉石室。

第十六

老仙

(役小角)

巖穴避烟火。咒術役妖魔。天風爲車雲爲駕。

笑他人間情累多。老仙未忘孝道重。奉母去踏
萬里波。

第十七

國祚久

(和氣清麻呂)

舌可拔。骨可裂。吾心如鐵不可折。咄渠妖髡
敢梁跳。誓摧爾頭飲爾血。呼清爲穢清却伸。
氣通神靈動紫宸。片言護持國祚久。古今東西
絕比倫。

第十八

都鳥

(在原業平)

公平公平。出關何之。屈鮑赴水心已陋。夷齊

恕軒曰。憂國撫事。其
氣尤壯。

槐南曰。片言七字。筆
力千鈞。

學海曰。史眼燃犀。

恕軒曰。首尾相應。常
山蛇勢。

槐南曰：力模公無渡河樂府辭，得其音響於李昌谷爲近。又曰：在五知己。湖村曰：結語不着論議，而意有餘。

槐南曰：沈痛。

羽峰曰：伯牙子期，比得佳。恕軒曰：寫得凜凜，千

隱山跡亦癡。臣擅朝權。君擁虛器。誓抽忠義去民累。遺恨勢不禁。吟衣濺血淚。東遊文都鳥歌。公平公平意如何。

第十九

御衣

(菅原道真)

恩賜御衣拜餘香。一首詩斷萬人腸。奉天子。擊豺狼。世弊除。政綱張。豈知被髮下大荒。空山繭足神慘愴。

第二十

伯牙

(嵯丸)

逢關秋老風清涼。淡雲微月夜色蒼。盤涉一曲

歲如生。槐南曰：幽咽泉流水下灘，亦可以喻此詩之悽惋。

學海曰：結末出意外妙。

羽峰曰：新皇毒蝮，搏爲一團，更以子孫毒蝮結之，漢思筆力，真驚人。恕軒曰：議論風生。槐南曰：合兩事爲一，具見匠心。

又曰：值得一罵。湖村曰：疊用新皇毒

伯牙恨。良宵無人訪幽房。誰知子期立門外。三年憔悴飽風霜。莞爾相逢披肝膽。流泉啄木韻淒鏘。淵魚赤鱗馬仰秣。萬古騷人足感傷。

第廿一

毒蝮

(藤原秀鄉)

飯粒墮。饑涎出。新皇舉措何輕卒。毒蝮死。湖神邀。一劍我能斫群妖。新皇不皇是毒蝮。我豈屈膝受其祿。東鎮數世說餘功。子孫却學毒蝮風。

第廿二

木蘭

(清少納言)

腹聲調宛轉。如珠走盤。

羽峰曰。句句精巧。

槐南曰。寫出清姬於持處。

又曰。誰知木蘭是女郎。借以爲贊。造句偏

覺森發。

學海曰。先說形勝。以

及日本紀。筆有聲色。

羽峰曰。起得清麗。

忽軒曰。陸翁結法。

湖村曰。秋風七字。神致幽遠。

龍馬殘骨尚千金。燕雀何知鴻鵠心。西宮一夕

侍宸宴。六花亂點燦上林。香廬御詠開白戰。

起揭珠簾慧心見。光怪陸離枕草文。木蘭黃土

驚紫電。

第廿三

日本紀

(紫式部)

琶湖烟波三百里。秋風鶴鳴月在水。好景驅騷

思。咳唾珠玉美。天子嗟賞。湖神驚起。萬古

膏馥資沾漑。精通何獨日本紀。

第廿四

赤符

(源賴義)

學海曰。描寫曲盡。

赤符廢。白符行。將軍鬢髮霜華映。巨巖裂。

靈泉生。天神地祇知忠誠。懸軍萬里。苦戰九

載。覆賊巢。救民弊。偉業撼坤乾。子孫握霸

權。

第廿五

龍笙

(足柄山)

鶴鶴情重身命輕。匹馬長驅指邊城。廣陵散絕

萬古恨。爲君一曲奏龍笙。關山秋高鐵衣冷。

吹飄天上桂花影。神悲鬼哭激商音。月光照徹

師弟心。

土屋鳳洲曰。風趣獨絕。
忽軒曰。描寫詳悉。
槐南曰。逸音縹緲。

學海曰。鎮西八郎。點得奇絕。
槐南曰。結作次章之引。又是避熟一法。

羽峰曰。起得奇偉。
恕軒曰。筆力挽強。
槐南曰。英姿颯爽。來酣戰。
又曰。茫茫百端。付之一哭。

鳳洲曰。勁直俊逸。樂府本色。
羽峰曰。紫赤青下得巧。
恕軒曰。俊偉。
槐南曰。用意警辣。
鳳洲曰。勇壯奇拔。惡源太躍。躍欲出。
學海曰。英氣鬱勃。如驅迅雷。
羽峰曰。勁健。
恕軒曰。步武俊嚴。筆力斬鐵。

第廿六 八甲

(源爲義)

八甲漂。片夢驚。老將奉敕淚縱橫。分甲赴難家道墮。骨肉相爭踏湯火。誰識一甲在海陬。割據百年騎老虬。

第廿七 養由基

(源爲朝)

義和蒼黃失控馭。兩日爭天夕欺曙。猛士勇卒急奔趨。紫宸白河各割據。將種時有養由基。虎頭猿臂貔貅姿。大小二百三十戰。勁箭巨鏃神淋漓。長袖豈能解韜畧。遺恨絕技徒拋却。

淚墮蜚雨蠻煙中。君臣天涯齊落拓。

第廿八 青燄

(源義朝諸弟)

阿兄過矣果何成。不識吾徒是萬兵。猛鷲駕風自鍛羽。諸弟齎恨隨亡父。紫禁門上赤旗揚。有人吐舌青燄長。

第廿九 奔電

(源義平)

亂鉞豎髮朱激睛。桎梏吞恨氣崢嶸。保元之亂夜下刃。白日濫刑何無情。攝郊一擊容我策。奴輩豈能持隻兵。汝欲斬我速斬我。我爲靈隱

魏南白。掀雷抉電。揮決於天地之垠。此其是矣。

湖村曰。飛翰騁漢。清壯激揚。勝十萬之衆。

羽峰曰。反案妙甚。何等才筆。

絕汝生。煩冤鬱輜天亦怒。一旦奔電驅黑霧。白馬青鎧神弓鳴。勇士頭碎驛駒仆。

第三十

老僧

(後寬)

鹿谷秋荒風捲草。醉歌擊節瓶子倒。可笑諸公不足爲。機謀未熟怯誅夷。老僧遠竄孤嶋外。鳥羽爲衣草蔓帶。官船載友逐海烟。日暮悵望淚漣漣。知否京洛戰塵滿。榮華倏忽春夢斷。不似海上鷗鷺遊。春潮秋汐意悠悠。

第三十一

壯漢

(文覺)

學海曰。稜稜俠骨。摸寫如生。
羽峰曰。筆如精鐵。結末尤勁。
怨軒曰。地下有靈。文覺笑頷。
槐南曰。宛然杵六搗大薩摩調手。如白雨點時也。

鳳洲曰。高山二句。道盡當日幽栖之趣。
羽峰曰。起手絕佳。
怨軒曰。清雋。
槐南曰。凄入心脾。與謠曲雄鹿鳴一段。駢美。南郭長古。或難爭。

河漢傾倒天欲蹙。奔流激怒摧山谷。黑霧陰嵐凝爲霜。玄龜凍死老龍哭。壯漢心骨金石堅。瀑底誦經學枯禪。死而還蘇終不死。七晝七夜立深淵。乍見紫雲巖間燦。菩薩來揖顏如蓮。何事遁世猶慕世。去訪流人說奇計。

第三十二

嵯峨

(小督局)

胡枝花碎芙蓉老。秋風吹斷嵯峨道。玉鞭細馬帶鶴書。路傍忍見斷腸草。高山流水松籟淒。柴戶深鎖知幽棲。御衣拂露嘆永夜。使臣復命

勝。又曰。結語精鍊。在明朝化作北山霜之上。湖村曰。悽惋含情。斷腸二字。是其用意處。鳳洲曰。一結悟境透徹。學海曰。情況宛然。羽峰曰。句句精鍊。結尾最妙。槐南曰。三姬合傳。自少不得此一番鋪叙。又曰。大家團圓。頭同說無生話。

淚交下。明朝憶車還入宮。絕世恩寵椒房同。爭奈春華若轉燭。佛燈一穗隨秋蓬。

第三十三 三姬

(祇王祇女佛姬)

昨日君恩如海壑。今朝君情紙片薄。草芽春生秋風枯。不怪哀傷從歡樂。素壁寫歌墨痕青。輕裝踏月影伶俜。姊妹晦跡嗟峨北。疎燈幽花照梵經。四野無人豈獨語。微聞剝啄響柴戶。移燈乍見緇衣同。三姬相對淚如雨。疇昔玉殿侍盛筵。嬌歌妙舞拂金蓮。榮華夢覺業鏡破。

天心無雲秋月圓。

第三十四 入道來

(平清盛)

學海曰。詩筆若鐵。史眼如炬。羽峰曰。鬼氣襲人。怨軒曰。一結無限感慨。槐南曰。淨海薰天勢。大地二句括盡。湖村曰。樂府好題目。自成奇語。

龍尾塵動碩鼠跳。滿庭鬼語邀群妖。巨槽注水水如火。烈燄炎炎腹背燒。遷都本是經綸術。如何雄斷速讒嫉。大地震動入道來。一陣旋風刮皇室。闔族榮華夢未醒。天河夜潰漂將星。可憐海道零丁客。薄衣掩兒潮痕腥。

第三十五 進退窮

(平重盛)

欲忠不孝孝不忠。處變無策進退窮。熊嶽禱神

羽峰曰不知內府泉
下何辭以答之。
恕軒曰一轉妙絕筆
有仙氣。

鳳洲曰首尾照應妙
在自然。
羽峰曰末句警甚。
恕軒曰口吻似坡公。
槐南曰用千歲字殊
工貼。

神爲泣。趙宋進醫醫無功。惜君小節學兒女。
不問禁城烟塵舉。轉瞬遺族隨滄波。老奴收骨
血淚沱。

第三十六 遺吟 (平忠度)

鐵衣錦囊帶歌卷。從容授元知俊彥。當年荒都
弔殘春。嬌嘶紫燕踏芳塵。烽火萬道起東北。
六條甲第秦灰黑。一首遺吟不署名。千歲想見
師弟情。

第三十七 怪禽 (菖蒲姬)

學海曰雲端以下寫
出如睹。
羽峰曰狀得墨躍筆
舞。
恕軒曰老杜風格。
湖村曰句亦怪奇。

紫闕風腥黑雲罩。羽林警夜劍戟鬧。妖聲震殿
聖夢驚。六宮妃嬪失玉貌。奉敕蹶起臣賴政。
勁弓誓奏犬馬效。雲端血迸白羽飛。怪禽墮地
啼如豹。天女忽降菖蒲姿。金蓮浪搖仙步遲。
天子嘉賞群臣賀。奇績長傳弦月詞。

第三十八 平等院 (源賴政)

鳳洲曰螢火切于菟
道。
學海曰節迫氣勁。
羽峯曰語短意長。
槐南曰入筆峻峭。結
亦含毫邈然。

老樹無花瘦菓墜。三十一字揮愁淚。陳涉首難
計猶疎。田榮爭霸志未遂。平等院荒春夢醒。
夜烟籠水螢火青。

第三十九 粟津

(源義仲巴女)

學海曰。多少感慨。情致深遠。雖不逝尤切。恕軒曰。實比項王。義仲可以瞑矣。槐南曰。英雄氣短。兒女情長。古今同歎。

恕軒曰。引據的切。槐南曰。賞輕八字。無限惋惜。

雖不逝兮可奈何。湖山四面起楚歌。壯志摧兮鐵衣重。虞兮憐汝賣餘勇。去年雄兵震漢關。北道百里戰血殷。京塵一掃是我力。何事倉卒呼為賊。松風蕭颯恨落暉。深泥沒馬霸圖非。越山他日虞兮淚。化為粟津風雨飛。

第四十

李將軍

(佐佐木秀義父子)

父守義。子盡忠。三郎四郎萬夫雄。賞輕罰重。若沒遺冢。君不見一門數奇李將軍。勁箭貫石

無功勳。

第四十一

狐埒

(梶原景季)

學海曰。筆力矯健。末以四郎結。具見卓識。槐南曰。男子漢如此收場。良可歎喟。

萬死競先登。激流躍玉驄。快刀斫堅陣。梅花亂春風。榮名纔揚賊名惹。狐火夜青狐埒下。君不見四郎勇決知時機。笑拋鐵衣披法衣。

第四十二

金扇

(那須宗高)

學海曰。昌谷遺響。恕軒曰。柴栗山不得擅美於前。又曰。末段收佐野了伯。湊合得妙。槐南曰。直以平語為粉本。鑄出偉辭。自然

鳳闕風塵錦旛裂。六龍踏濤濤吐雪。明眸皓齒彼何人。高擎金扇映玉玦。阪東男兒萬夫雄。風背霹靂鳴雕弓。鐵蹄蹴破滄波紫。默禱慘澹

妙絕。
湖村曰：琵琶作陶真
何如。

學海曰：神韻標縵。
槐南曰：落花七字。
神味無窮。
湖村曰：別出山家胸
中，無復餘蘊。水風六
字，尤能縹緲超俗。

學海曰：起手勁拔。

恕軒曰：覺山陽外史
徒費藻葩。
湖村曰：起得簡古。

學海曰：逆櫓四句有
氣勢。
恕軒曰：豪宕矯健，如
九郎行兵。
槐南曰：一眼觀破。

神意通。金扇斷飛紅日墜。兩軍歡呼撼天地。
千歲琵琶說奇勳。猛士勇將吞暗淚。

第四十三 銀貓 (西行)

蹴幼女。拋銀貓。大笑拂衣去飄蕭。指海雲。
參禪理。落花風裡眠不起。胸藏韜略竟何施。
策分王霸無人知。柳營刻燭吁勞矣。花洛鳴珂
彼一時。問遺踪。論幽抱。水洋洋。風浩浩。

第四十四 鹿四足 (鷓越)

鹿四足。馬四足。鹿能馳。馬何不續。貔貅三

千下嶮崖。人馬胄鞍相擊觸。東門西門戰正酣。
矢石紛飛捲腥嵐。誰料奇兵從天降。一城震
盪萬雷閃。斷臂滿船龍騎鯨。寶劍隨龍入大瀛。
遺恨九郎急功名。龍闕枉開闔婆城。

第四十五 逆櫓 (屋島)

逆櫓千萬任汝取。我唯知進豈退守。攝海夜黑
一燈飛。雄兵百五駕颯母。猛火燒盡屋嶋城。
赤旗漂波秋葉輕。偉勳一代掣紫電。不怪天賞
聽昇殿。讒口成禍嗟可悲。禍機夙伏捧盃時。

第四十六 鶴岡

(靜女)

學海曰。靜女心情。實如此。寫至亡見。他人未道及。
槐南曰。美人二語。慘而豔。
又曰。携盤獨出。月荒涼。渭城已遠。波聲小。音節。勢。髣。相似。

槐南曰。三代慘禍。鬼語。啾啾。

鶴岡祠頭動羯鼓。峩冠長劍陳貔虎。美人蕉萃扶舞衣。綵絲腸絕海棠雨。歌聲未終右幕唄。咄汝何物慕流人。瘦馬荒驛送孤影。皇天不降撫育仁。妾聞將門能出將。亡兒材器必超倫。鶴領原裂叫鷓鴣。天邊回首將星小。

第四十七

白旆

(源賴朝)

雨鳩白羽。載飛載鳴。源公墓古草花碧。猶想石山朽木橫。朝殺季。夕殺叔。祖廟夜深聞鬼

哭。滅平興源果何功。樞肉未冷霸業空。君不見外戚詭計紛於雨。不數冠者奏貳舞。

第四十八

白旆

(源實朝)

學海曰。神傷魂消。怨軒曰。牝雞晨。其家索。聖言不虛。
槐南曰。鬼氣盈紙。深得老楊三昧。
湖村曰。牝雞七字。優於許多敘事議論。

學海曰。狡獪狀態。末句道盡。
羽峰曰。文若景略。好

高祖欽仰六孫王。歷世忠義奉聖皇。假使海枯山嶽裂。葵心豈肯背朝陽。牝雞夜叫太白墜。可憐將軍擁虛器。梅花寂寞恨春風。一絲頭髮抽清淚。鶴祠月黑酸風吹。白旆無光哭青狸。

第四十九

毒蟲

(大江廣元)

莫道毒蟲螫猛獅。莫道詭謀煽東夷。一代才學

典。
槐南曰。確切不移。末句冷甚。
湖村曰。廣元胸中。吞幾英雄。如許寫來。其人躍然。

槐南曰。落想奇。
湖村曰。入室執戈。

風雲會。霸道聊試胸中奇。阿瞞問計苟文若。苻堅稱賢王景略。亂世何遑問順逆。雄脚踏破麒麟閣。鎌府擾擾幾將軍。牽絲一場傀儡躍。

第五十

神風

(元寇)

咄咄胡元何驕縱。來問神州鼎輕重。我有太和魂。士氣撼乾坤。身代國難是朕願。天子禱神風。翻知彼知我戰規在。驕兵自速千古悔。疇昔厓山鑿敵手。反拋爾兵沈東海。

第五十一

緇衣

(北條氏)

學海曰。業鏡高懸者。乃如此耳。
槐南曰。這箇和尚。終是贗鼎。

槐南曰。鬼語。
湖村曰。怪偉斗健。振鐵生光。
田邊松坡曰。朽壤作忽土何如。

緇衣披。錫杖飛。七道民物察精微。廢將軍。舉良吏。一意經營家門利。儉素唯問半碟醬。不問三帝沒風浪。

第五十二

妖僧

(鎌倉)

鳶肩豺目猛鷲羽。道士中庭奏歌舞。宴散玉殿夜風醒。獸蹄鳥跡紛旁午。龍威赫奕驚妖僧。南天大星吐紫稜。打毬鬪狗歡未半。九世金湯朽壤崩。

第五十三

長劍

(土岐賴員)

怨軒曰。輕輕收筆。
槐南曰。如此作結。大
是滑稽。

學海曰。山櫻一語。宛
見其人。

學海曰。起手善學昌
谷。
羽峰曰。荒涼凄慘。

怨軒曰。山陽賴氏輸
一籌。
槐南曰。雖學長爪郎。
猶見健格。末段慘澹
可傷。
湖村曰。石破天驚。長
吉口吻。
鳳洲曰。雄詞麗藻。百
誦不厭。
學海曰。末句冷峭。
羽峰曰。結得好。
怨軒曰。任改作笑。
槐南曰。字向紙上皆
軒昂。
湖村曰。以對句起。不
墜律調。所以奇拔。

長劍斫柱。巨杯吸川。禁苑新開無禮筵。天子
深慮。志士密議。風鷹將鼓摩天翅。豈料鄙夫
溺閨房。萬馬夜驚賊氛揚。君不見溪女浣衣雙
脛白。雲破飛仙墮沮澤。

第五十四

錦旗

(村上義光)

一喝奪錦旗。人馬俱辟易。激鬪護親王。山路
亂雲闢。父子忠烈萬人嗟。旭日映發山櫻花。

第五十五

行宮

(笠置山)

金猊骨裂噴殷血。禁城無人夜風咽。笠置山深

開行宮。絕壁千尋植積鐵。擁麓賊軍鼓鼙。擊。
長緋巨梯肉薄登。風饕雨虐大纛折。石破天驚
亂雲騰。乘輿播遷迷草澤。四海之家藏不得。
落日人弔雉兔蹊。荒墟萬古土花碧。

第五十六

范蠡

(見島高德)

白虹貫日日收彩。旋風驅龍龍踏海。皇天猶能
護國家。越王不孤范蠡在。一夜風雨捲行營。
暗中微聞鐵衣鳴。櫻皮慘裂筆痕黑。天顏有喜
人不識。忠節萬世警懦夫。任他史家論有無。

第五十七 龍馬

(藤原藤房)

兵革纔戢進龍馬。群臣爭賀龍墀下。豈知雍齒
 猶未侯。沙場偶語鬼啾啾。尙方誰乞斬馬劍。
 東陲封豕倚天塹。一夜深殿諷夷齊。掛冠北山
 衲衣淒。九重有淚濕龍袞。天使幾降仙踪遠。
 鎌山妖氛雄狐號。神州瓦裂神龍逃。父老千年
 說遺愛。古刹老松百尺高。

第五十八 正統紀

(北畠親房)

出將入相何匆匆。誓挽頽日照大東。職原抄。

學海曰。沈痛。
 羽峯曰。悲悽。
 恕軒曰。王朝世臣。予
 服二人。曰。藤房。曰。西
 行。

羽峰曰。語短意長。
 學海曰。結語尤緊。
 恕軒曰。長短錯綜。妙
 可動。

槐南曰。定斷六字。更
 不須多言。
 湖村曰。末語鐵案不
 可動。

恕軒曰。阿新九單身
 報父讐。勝四十七士
 遠矣。
 槐南曰。隱隱約約。如
 見跳濤人影。

學海曰。末段悽慘。神
 人共怨。

正統紀。書成邊城酣戰裡。王綱尙旒綴。神州
 方陸沈。三寸管。萬古心。

第五十九 孝子

(日野阿新)

夜風浙瀝吹鬼域。群蛾亂點鯨燈黑。快劍斫斷
 仇人頭。血路纔開衆兵逼。一灣流水竹影森。
 亂世不孤孝子心。

第六十 藤島

(新田義貞)

求馬塚上不求馬。雙刀揮霍亂箭下。將軍單身
 能殿戰。吶喊來迫何爲者。西海老鯨鬣尾長。

槐南曰。疇昔二解。展拓得好。結末悽咽。
湖村曰。筆致颯沓。如風雨至。

恕軒曰。黃絹幼婦。
槐南曰。直寫本事。乃爾奇彩。

拍天卷地波濤揚。介士十萬犯畿甸。翠華蒙塵
宸襟傷。疇昔南山乞密旨。孤軍反旆戮封豕。
忠義名震麟閣頭。一代盛舉誰能比。今日三軍
鼓聲衰。匹馬破圍歸來遲。陛辭攬淚向邊邑。
北風吹裂中黑旗。從此天日失光耀。金甌化灰
妖炎燎。藤島秋荒蟲語淒。千歲幽憤屬遺廟。
第六十一 美人 (勾當內侍)

鐵椎擊破天柱山。神龍晝臥戰塵間。左眉箭瘢
知中將。錦囊盛詔紅爛斑。去年後宮拜恩賜。

湖村曰。末句冷峭。

學海曰。花隊團扇好
材料。
恕軒曰。一結輕妙。
槐南曰。末段音旨蒼
涼。

玉簾半捲舞態媚。齒如編貝唇激朱。雲鬢蛾眉
抽春翠。一朝天涯同斷腸。峭風吹裂素霓裳。
美人收淚參古佛。空山鐘動秋月蒼。

第六十二

花隊

(新田義宗)

藤島風腥龍臥地。矢口雲黑走鐵騎。英魂毅魄
護王師。我力誓達父兄志。花隊蔽野敵勢張。
死士鼓勇團扇揚。扇起疾風花可散。萬馬奔逸
碎累卵。石濱秋老聞斷鴻。江霧蒼茫落日空。
當時敗卒掬指處。漁舟輕度蘆花風。

第六十三 湊川

(補正成)

學海曰。一讀毛髮凜然。是李長吉本領。
槐南曰。光顯發露。
湖村曰。一結蒼涼。秋歎欲絕。

學海曰。起結悽惋。

前門狼。後門虎。七道妖魃卷霧雨。赤阪壘。
金剛山。倚天長劍護帝關。臣如不死賊可滅。
一語凜然拔冰雪。可歎皇道猶陵遲。流水空濺
忠義血。憶昨行宮聖夢醒。御盃浮菊恩露馨。
天旨殷勤命興復。一株南木托朝廷。南木摧兮
南風息。萬古湊川落日青。

第六十四 四條畷

(補正行)

斷扉苔蝕鏃痕青。梓弓一曲幽淚零。君父之志

槐南曰。造句沈鍊。
湖村曰。良神六字高古。

誰復紹。四條畷上風冥冥。昨日瓜生野。隻兵
排萬馬。前年譽田林。雄畧服衆心。餘勇亦能
及俘虜。金甲玉驄恩賚普。嗚呼芳山半壁待君
擊。天日纔保弦上明。七生討賊賊未滅。闔家
濟國國未平。良臣蹇。神龍遠。南朝五十七春
風。花泣鳥悲王氣空。

第六十五 忠臣

(補正儀)

槐南曰。南北對寫。當時形勢。盡于十四字中。

父兄殉節。豺狼逼疆。南山夜濺杜鵑血。北關
晝放熒惑光。臣有秘計。誓挽頽勢。休道秦檜

徒議和。休道向戍漫弭兵。班馬一去無史筆。
誰辨忠臣無限情。

第六十六 莫耶 (楠光正)

學海曰。帝下席三字。自國策來。警甚。
槐南曰。短歌碎激。竹石俱碎。
天崩地拆帝下席。妖星吐燄夜雲赤。兩統更立
息壤存。何物奸魁弄詭策。莫耶三尺斫秋風。
遺恨當日逸狡童。輪囷豫章老根裂。百年寥落
枝葉空。

第六十七 龍種 (南朝二皇子)

怒軒曰。感慨動人。
山河破碎王氣微。北風無賴劍璽飛。敗餘殘卒

槐南曰。長安有皇子
陂。借用殊好。

護龍種。志氣雖烈奈重圍。荒陂夜雨皇孫淚。
天巡地轉恨依依。

第六十八 天誅 (足利尊氏)

學海曰。簡約精確。
羽峯曰。長短錯綜。句
格勁健。
槐南曰。天網恢恢。
三弑皇子。再欺天皇。逆燄焦天見檣槍。南北
分統。東西開府。將士反覆如風雨。豺當途。
虎負嵎。誰圖身後五百載。父子駢首伏天誅。

第六十九 猿樂 (足利義教赤松滿祐)

學海曰。勁。
怒軒曰。句法似左氏。
槐南曰。變起倉卒。寫
得出。
猿樂興。廐馬逸。門鎖甲發風雷疾。捨士用獮。
雖猛何爲。今日之事公自取。謀逆何獨三國

主。

第七十

茶甌

(銀閣寺)

學海曰。滿城七字。用後花園天皇賜足利義政詩句。尤見痛切。羽峰曰。當時狀寫出妙。

滿城紅綠爲誰肥。兒女遊戲升玉陛。成功錢。關白米。帝室懸馨廢典禮。奸賊跋扈。窮氓流離。東山銀閣凌雲起。千金茶甌映錦帷。

第七十一

芙嶽

(桶峽)

怨軒曰。措辭得體。槐南曰。將軍獨闖東山茶。歎幕府之陵夷。千金茶甌映錦帷。慨王室之式微。賦同一事。而用意各別。湖村曰。讀滿城一詩。不感奮興起者。其人必不忠矣。

芙嶽爲砦龍河池。數世積威立霸基。鐵馬金甲無匹敵。眼底何存吉法師。四山忽裂振鼙鼓。瘴風猛雨驅貔虎。短兵電閃胡牀前。白旗斷送

怨軒曰。句工語切。槐南曰。行筆亦如風雨。湖村曰。反襯見趣。

三州主。泰否循環何匆匆。他年京刹夜烟紅。

劫鏡打破山河寂。萬象均見泡沫空。

第七十二

新月

(山中幸盛)

怨軒曰。幽淡。槐南曰。起六字絕妙。鹿之助像贊。

拜新月。憶故主。新月出雲雲尙從。雲中士氣豈俄僵。誓期報復功。萬死抽孤忠。其奈雲破天道梗。空見新月似弓影。

第七十三

孤城

(高松)

學海曰。高松死守狀態。宛在目睫。羽峰曰。狀得精妙。怨軒曰。上下千年。唯有此人。百詠中不可

釜竈水綠亂蛙鳴。炕牀魚躍藻荇橫。晉陽雖險援兵絕。洪濤五月吞孤城。慷慨仗義清長左。

無者。
槐南曰：一結便覺精神。
湖村曰：激昂悲壯。

鳳洲曰：語語勁拔。當年狀態宛然。
恕軒曰：詞氣雄壯。風神古雅。
槐南曰：歸功右府。確是史裁。

恕軒曰：融板爲逸。

槐南曰：湖心七字如畫。末結出人意表。

學海曰：湊合妙。
槐南曰：末段意在吞吐間。節促味長。
湖村曰：警拔驚人。

滿刺百詠

紫電煜煜動碧睛。抽髮更衣拜君命。隻顧且代滿城兵。萬古甲水帶餘憤。激流恍聞變徵聲。

第七十四 桔梗 (本能寺)

喊聲夜半撼佛堂。桔梗花發妖氣揚。蹶起執弓虬鬚怒。咄汝豎子敢鷗張。四方削平功將就。海飛山走劍折銜。亂世始建尊王績。雲霧解駁天日光。

第七十五 二龍 (明智光春)

千瓢萬馬何紛紛。我有快舉誰能抗。錦袍描龍

人騎龍。二龍八蹄踏激浪。巨虬驚竄老魚藏。湖心一道紫烟長。人怪龍宮葬英魄。不知孤城完畫策。天下珍寶我豈貪。長繩垂壁光赫奕。右府九原笑相迎。遺骨憑汝得新塋。

第七十六 夜叉 (柴田勝家小谷局)

夜叉柴田。破甕柴田。仙姥錄功功已偉。雄威震盪北道天。咄咄擊鞋猿冠者。我豈俛首就汝下。賤岳一夜走風霆。篝火燒山萬骨腥。疇昔擊鞋手。擊碎夜叉首。小谷血淚千萬行。淀江

禍水流湯湯。

第七十七 金烏

(豐臣秀吉)

恕軒曰。鑿鑿入骨。
槐南曰。結尾冰冷。

身起人奴。位極人臣。何物金烏化偉人。手伐
鷄林。氣吞禹域。百萬勁兵成羽翼。一朝金烏
落虞淵。壯圖電滅趁荒烟。唯見耳塚畜生塚。
鬼哭不斷三百年。

第七十八 葵花

(德川信康)

恕軒曰。詩畫一致。
槐南曰。與秦扶蘇同
痛。

虬鬚怒張眼如電。妒婦私書是罪譴。霜刃吹血
英魄摧。葵花纔發風雨濺。甲山妖氛虎豹吼。

旌旗蔽空挑激戰。尾海狂浪鯨鱈跳。玉帛登壇
鬪權變。當時帷幄富籌謀。何事袖手喪龍珠。
三尺孤墳萬古恨。蓮嶽崩塌龍瀆枯。

第七十九 玉殿

(結城秀康)

恕軒曰。沈婉。
槐南曰。說得平透。

玉殿春開花光吐。霓裳羽衣奏妙舞。侍宴將士
皆歡呼。何事公子淚如雨。丈夫手握十萬兵。
局趣肯趁轅駒盟。雄圖未成身將老。忍見女兒
擅盛名。

第八十 快馬

(南龍公)

羽峯曰。眼中無禹域。
恕軒曰。意存言表。
槐南曰。言外之感。善
于立說。

羽峯曰。浩懷高於人。
數籌。
恕軒曰。意格入神。
槐南曰。待是射鵰手。

槐南曰。言下儼然。
湖村曰。小人弄智之
狀。螻蛄六字盡之。

鳳洲曰。當日美談。千
歲傳芳。
學海曰。先余盟約。意
匠尤密。
恕軒曰。丰姿可觀。
槐南曰。俊逸字眼。
湖村曰。俊逸二字。品
藻得當。

舉良佐。闢南荒。葵光赫奕國勢張。巨刃摩天。
豪氣蓋世。遺恨無復十四歲。擾擾明清。蠻
觸相攻。皇天儻容風雲志。快馬一蹴禹域空。

第八十一

白扇

(直江兼續)

白扇受黃金。簸揚不敢取。休怪北鄙人。視寶
如敝帚。相公雖貴嘗擊鞋。銅臭薰手歲已久。
臣手雖小不可狃。異日中原風電走。指麾三軍
是此手。

第八十二

凶豎

(石田三成)

蠱測海。螳擊車。漫道雄畧制長蛇。忘君思家
是凶豎。視恩做讐是姦邪。君不見釵裙猶能辦
順逆。母子均吞劍華白。

第八十三

寶兜

(木村重成)

莫道老軀乏殷血。臣奉使命請速決。舉止嚴然
訂國盟。敵將嗟嘆推才英。數旬減食吾豈怯。
清淨持身兵家法。一死頭髮香膩流。沈檀甲煎
在寶兜。豐氏兩世養將士。俊逸似君竟誰是。

第八十四

孤島

(浮田秀家)

學海曰。善寫其心事。
恕軒曰。落想巧甚。

學海曰。有氣力。有情
致。

孤島英雄恨海風。朝雲夕霞千里紅。敝衣猶留
錦繡色。大城嘗據備山北。憶昨雞林督萬兵。
金甲映日寶刀鳴。又憶關原參機密。簸揚風雲
氣勢逸。老去天涯奈楚囚。殘喘虛憑北來舟。

第八十五 高材 (山田長政)

中原逐鹿機已去。高材疾足奈敗絮。長嘯倚劍
睨南雲。豈無殊域待偉勳。鵬背雄風扶搖起。
電馳一夕三萬里。蠻王手授金印煌。討逆靖難
我武揚。礪岳帶河鐵券在。不問桑田與碧海。

吁嗟慘矣長城頽。短狐射影釀奇災。楚材晉用
有餘烈。玉帛航海效臣節。

第八十六 龍笛 (太宰春臺)

拋龍笛。辭左驂。王門伶人我豈甘。講古學。
論新政。宿志擬執經濟柄。物門才俊鬪雄奇。
獨見駿臺樹赤旗。

第八十七 山鬼 (伊能忠敬)

山鬼泣。水神哭。流星夜入老嫗腹。炙膚輝足
七十年。天經地緯闢幽玄。舉世空案說功利。

槐南曰。特筆揭明。爲
春臺吐氣。

恕軒曰。雋朗。

對君誰免頭低地

第八十八 鬼燈

(平賀鳩溪)

學海曰。起手用鳩溪幼時語。精勁。末段尤拗峭。
 恕軒曰。氣韻高涼。
 槐南曰。秋墳鬼唱鮑家詩。同此深喟。
 湖村曰。鬼氣逼人。

嗟爾且來我獻茶。我豈屈膝媚勢家。巨牛可吞帥可奪。卯角氣宇已峭拔。本草學成才愈適。東西說遍幾王侯。寶光在手披雄礦。墾荒移民進嘉猷。哀如充耳官路窄。孤負燕領與虎頭。陋巷授徒豈我志。老驥伏櫪待驅使。蓬勃雄氣吐長虹。凝爲文字足瑰異。矢口稗史洩忠憤。金廟演戲寓諷刺。等身著書嗟何爲。濺盡英雄

恕軒曰。詩亦破天荒。
 槐南曰。用本事趣甚。

恕軒曰。幽秀古雅可人。

萬斛淚。文恬武熙誇太平。誰知偉材沒榛荆。

古丘夜黑老狐舞。鬼燈青熒照霧雨。

第八十九 神人

(本居宣長)

撼地軸。破天荒。三十六鈴何鏗鏘。妖蝦噴火墳典滅。晉乘楚檮交詭譎。爛眼始辨神人理。百代君臣凜不死。

第九十 勤王

(賴山陽)

覆霸勤王機未動。鬼哭神愁一燈曠。史筆絕前古。儒林開別天。蓬勃龍興氣。先動水明山紫

邊。

第九十一 清流

(橋本左內)

忽軒曰。有識之語。不
同祭魚。
槐南曰。如聞啾啾之
聲。
湖村曰。氣味慘澹。

清流投濁流。奇材釀奇禍。骨原夜烟青。陰風
吹鬼火。君不見膽氣吞人老西鄉。猶服左內大
器量。

第九十二 正氣

(吉田松陰)

學海曰。短節勁音。

長鯨掉鬣東海黑。朔風割地陽和息。刀鋸斷頸
不斷心。正氣一歌感慨深。門下才俊傳師法。
翼贊煌煌中興業。

槐南曰。三百年江都
俠風。以此為殿。
湖村曰。矯健絕群。

第九十三 烈士

(近藤勇)

關左風雲激壯士。深夜祖述聽鷄起。手裏霜刃
新發硎。鷗鵝淬花鮫胎腥。斫人如草眼不瞬。
銃丸貫肩猶奮進。堂堂列藩幾俊豪。側目屏息
歎英髦。寧願一官就局束。新撰隊長我分足。
嗚呼江門霸氣衰。恢復之策竟何施。古驛秋風
鳥聲怨。荒草低迷烈士碑。

第九十四 城山

(西鄉隆盛)

掃戰塵。捧天日。中興元勳誰第一。膽如斗。

龜谷省軒曰。筆力雄

剛。金鐵錚錚。
槐南曰。周旋妙不費辭。
湖村曰。南洲定案。

學海曰。絢爛矯健。神逼青藤。
湖村曰。典重。

氣若虹。八千子弟仰英風。出處類古俠。順逆何必論。聖恩及枯骨。榮爵在兒孫。酸風射眸灑遺迹。城山一角大星白。

第九十五 雄心 (北白川親王)

晚節何烈烈。風雲見偉勳。少時何蹇蹇。香火釀妖氛。青燈幾歲丹心在。閱盡古今韜畧文。帝授虎符。身登將壇。普率無事。顧眄據鞍。渤海鯨吼濤勢逼。羽檄旁午烽烟黑。快馬飛度南溟雲。新疆百里布皇德。蠻風滅。文教開。

衆貨雲起。庶民子來。君不見毒霧瘴烟唾手拊。雄心遙接日本武。

第九十六 丹血 (陸奧宗光)

羽峰曰。國難二句名言。
槐南曰。拈出蹇蹇錄。此公庶乎不朽。
國難生國士。名門出名流。讀書眼冷圓扉月。獻策功高金闕秋。樽俎折衝風電走。乾坤旋轉鬼神愁。一部蹇蹇錄。丹血千古留。

第九十七 旅順 (廣瀨中佐)

鯨濤險。我能乘。水雷爆。我能凌。輕舸衝雨冒萬死。笑視敵軍探海燈。百難誓效封鎖績。

學海曰。廣瀨軍神。凜有生氣。

槐南曰。雷轟電燭。生氣奕然。

學海曰。轟轟烈烈。文有雷霆之勢。
槐南曰。直詠本事。純用本色。毫不依傍。古而未嘗不妙。絕。

渾身是膽。颯風擊。一卒徒死是我恥。不辭我頭委霹靂。嗚呼旅順之港深幾尋。不及中佐義烈心。

第九十八 日本海 (東鄉大將)

海龍夜跳海霧黑。海上不辨波濤色。大將按劍待電警。一嗑一噏戰機逼。哨艦報道敵艦來。前三嶺外動風煤。忽見巨鷲擊中舞。樓船百隻鬱崔嵬。大將蹶起揮軍扇。皇國興亡在一戰。旗艦鼓輪衆艦從。左旋右轉制機變。海霧始開

軌

省軒曰。慘氣滿紙。槐南曰。劈頭揭出軼事。用爲論贊。有史遷筆意。

夕陽高。空洋萬里析秋毫。敵兵狼狽逃無處。四面掩擊卷洪濤。砲火亂射天地赤。鐵艦轟沈山嶽擲。雷艇乘夜奇兵縱。激鬪驚殺海龍魄。敵帥就擒敵軍亡。鄂王寒膽鄂民傷。日本海放日本光。吁嗟日本海放日本光。

第九十九 將星 (見玉大將)

拜紅旭。凝深思。將軍忠義天地知。鎮南疆。制北狄。帷幄籌謀舉偉績。赤嵌民物盛。黑江風濤收。金字賜一級。雷名撼五洲。一夜東天

將星墜。神人齊咽萬斛淚。

第百

詩星

(家祖數世)

白羽洞扉流血紫。妖蛇蜿蜒馬前死。王師所向
 勁敵無。九州誰敢酬一矢。南風不競劍挫銳。
 少貳大友何陸梁。孤營四面楚歌動。絕命詩成
 秋思長。兒孫異日守遺訓。奉戴皇嗣竭臣分。
 朱明聘使責無禮。筑河鑿戰家聲奮。王霸升沈
 五百年。漁樵空記將門權。忠肝義膽長不滅。
 化爲詩星照南天。

鳳洲曰。表揚先美。毫
 無慙辭。
 恕軒曰。孤營七字。可
 泣鬼神。
 槐南曰。謝家述祖德
 詩。無此矯健。
 學海曰。叙詩星收筆。
 文占地步。

晚香詩。一種氣格。與溪琴先生不同。其趣處。極
 可見也。方今雕蟲爲工。殆且成風。讀此諸作。大
 強人意。

癸卯九月

學海依田百川拜讀

瀛史百詠。率劈空見奇。鍊局峻峭。使字凌厲。李
 乎徐乎。要之濺出一副心血來者。

癸卯九月

鳳洲土屋弘拜讀

瀛史百詠。皆感慨悲激。不減杜少陵。語氣雄放。逼眞陸渭南。余深愛其詩。而深慨其時也。

癸卯九月初八

辱友 信夫粲文則拜讀多罪

詠史百篇。新警奇拔。醒人耳目。體不必做楊李諸家。而長篇往往沈鬱頓挫。更見筆力。

甲辰秋日

田邊新拜讀妄批

瀏覽大作。奇肆橫逸。不拘古法。妙於自運。摩子成之壘。奪子玉之塞。蓋文長中郎之流亞也。

甲辰開歲第五日 湖村桂五拜批

大作諸篇。皆詠古今史事。蓋於其設題。深致意焉。行辭亦正亦奇。味在酸醎之中。子成子玉以後。自克拔戟成隊矣。委讀之餘。愀然傷心。端然改容。

丙午立秋後五日

湖邨五拜批

明治三十九年九月六日印刷
明治三十九年九月九日發行

定價金五拾錢

著作發行者兼

菊池三九郎

東京市牛込區新小川町壹丁目十四番地

印刷者

藤本兼吉

東京市牛込區市ヶ谷加賀町二丁目十二番地

印刷所

株式會社秀英舍第一工場


東京市牛込區市ヶ谷加賀町二丁目十二番地

東京牛込早稻田

發行所

早稻田大學出版部







099247-000-5

187-438

瀛史百詠

菊池 晚香/著

M39

DBV-1657

